

Athör cī Paulo gät kōc Roma

Wet nom

Athör Paulo tēnē kōc Roma ē get rin bī ke lek lōn cī yen ye guir bī akut kōc cī gam Roma la neem. Ee cī Paulo guir bī lōk la rēer bī luui kam kōc cī gam tetui, ku bīk jāl kuony dhöl bī la Ithpania. Acī gōt bī kōc cī gam Roma tet kē nīc rin gam, ku te ye gam pīr kōc cī gam luōi thīn. Athör kēnē ala yic wet ril yen get Paulo athōr rin Wet Puōth Yam.

Wēn cī yen akuut kōc cī gam Roma muōōth ku lēk ke lōn ē yen rōōk rienken, ku jōl gōc wet lek ke ēlä, “Wet Puōth Yam aye nyuōōth te ye Nhialic kōc kuony thīn bīk la cōk yenhom.” Ku kēnē aye Nhialic jōk ku rēer thīn kēya rin gam ē raan, cīmēn ye athör thēer wēl Nhialic ye lueel ēlä, “Ku raan la cōk Nhialic nom abī pīr ē gam.” (1:17)

Ku jōl Paulo ē gōc kēnē teet. Raan ēbēn, kōc Itharel ku kōc cie kōc Itharel, aa dhil la cōk tēnē Nhialic rin keek ēbēn aatō adumuōōm yic. Kōc aa la cōk tēnē Nhialic te gem kek Jethu Krītho. Ku ben Paulo mān rot kek Jethu raan cī lōc ku dōc, yen pīr ē yam teet, lōn raan cī gam ala dōōr ke Nhialic. Ku aye Wēi Nhialic bēei bei riel adumuōōm yic ku thou. Cōkdīt ē 5 yet 8; Paulo acī jam aya rin lōj Nhialic, ku riel Wēi Nhialic rot nyuōōth pīr raan cī gam yic. Ku get Paulo lōn ye kōc Itharel ku kōc cie kōc Itharel nhīm thōj kē cī Nhialic guir tēnē raan ēbēn yic.

Ku wit wetde lōn kuc cī kōc Itharel kuc Jethu ē luōi Nhialic, rin yen ē te bī raan ēbēn cōl ayōk dhēēj Nhialic dhēl Jethu raan cī lōc ku dōc. Ku aye Paulo nīc lōn cī kōc Itharel bī la tuej ke kuc Jethu akōlakōl. Ku jōl Paulo gōt ciēēn te dhil raan cī gam pīr thīn, ku nhiēr bī raan kōc kōk nhiaar. Paulo acī kārīl gōt ke ye luōide tēnē Nhialic, ku luōi raan cī gam tēnē baai ku tēnē raan det, ku puōn la cōk nīc kēpath ku kērac. Ku thīk athör cī gōt cōk muōōth ku wēl lec tēnē Nhialic.

Kāk tō thīn

Wet nom ku gōc 1:1-17

Kē wīc raan bī pīr 1:18-3:20

Dhēl Nhialic rin pīr 3:21-4:25

Pīr yam rin Raan cī lōc ku dōc 5:1-8:39

Kōc Itharel ē guir Nhialic yic 9:1-11:36

Ŋiec ciēēj raan cī gam 12:1-15:13

Thōk ē wet ku muōōth 15:14-16:27

1 ¹ Ee yen Paulo alony Jethu Krītho. Yen raan cī Nhialic cōl ba ya atuuc ba Wet Puōth Yam lueel.

² Wet Puōth Yam, ee wet cī Nhialic thōn thēer, ku ēcī kōc kākke tīj lueel tēcīt te cī gāt ye wēl thēer Nhialic yiic.

³ Wet yam kēnē ē wet Wēn Nhialic cī ben a raan kuat Benyñaknom Debit. ⁴ Ku Jethu acī nyuōōth ē Wēi Nhialic ke ye Bānyda, Wēn ril Nhialic, wāar jōt ye bei rañ yic. ⁵ Ku ē rienke yen acī Nhialic yen yiēk dhēējde ku cōl yen aye atuny Jethu, ku ba kōc pinynhom ēbēn cie kōc Itharel cōl bik gam ku thekkē Nhialic.

⁶ Ku wek kōc cī gam tō Roma aya, wek aacī Nhialic cōl bāk aa kōc Jethu raan cī lōc ku dōc.

⁷ Kēya, yen aget tēnē we ēbēn, wek kōc nhiēr Nhialic, cī ke cōl bāk aa kacke, Bī Nhialic Wāda ku Beny Jethu we tuōc dhēēj ku dōōr.

Anjōōth Paulo lōn bī yen la Roma

⁸ Tuej, yen Alec Nhialicdie rin Jethu raan cī lōc ku dōc ē rienkun, rin kōc ēbēn pinynhom aacī gamdun nīc ēbēn. ⁹ Nhialic yen luōi piāndie ye yen kōc lek Wet Puōth Yam cī Wēnde lek kōc, anīc te ye yen we ¹⁰ tak thīn akōlakōl ē rōōkkie yiic. Yen ē rōōk lōn bī Nhialic ya puōl te wīc yen ye ba we la neem. ¹¹ Rin awiēc apeidīt ba we la tīj ku ba we gām athiēei Wēi Nhialic bāk riel ē gamdun yic. ¹² Ku kē lueel akīn, rin bī gamda we ku yen yo dēet puōth yodhie. ¹³ Awiēc bāk nīc miethakāi lōn ē ca guir arak juēc ba la tēnē we, ku ala kēn ye yen gēl ba cī la. Ee wiēc ba la tēnē we ba kōc kōk lek bīk gam kamkun aya, cīmēn le yen kōc kōk pinynhom cī gam cie kōc Itharel.

¹⁴ Rin ala kë cī yiëk ya ba dhiel looi tēnē koc ēbēn, koc peth cieņ ku koc rēc cieņden, ku tēnē koc cī piöc ku koc këc piöc. ¹⁵ Ku ë wet kēnē yen awic yen ye apei ba we dhiel lek Wet Puoth Yam wek koc rēr Roma aya.

Riel Wet Puoth Yam

¹⁶ Yen acie guöp ë yār Wet Puoth Yam, rin ë yen riel Nhialic koc cī ye gam kony, koc Itharel ku koc pinynhom cie koc kök Itharel aya. ¹⁷ Ku Wet Puoth Yam aye nyuöth te ye Nhialic koc kuony thīn bik la cök yenhom. Ku kēnē aye Nhialic jock ku rēer thīn këya rin gam ë raan, cīmēn ye athör theer wël Nhialic ye lueel ëlä, “Ku raan la cök Nhialic nom abī pīr ë gam.”

Awuöc ë raan

¹⁸ Rēc puöu ë Nhialic ë rot nyuöth pan Nhialic tēnē koc man Nhialic. Ku käreç yekë ke looi aa yic gël bī cīi cöl aņic. ¹⁹ Nhialic ë puöu rēc tēnē ke rin kë lēu raan bī ñic rin Nhialic ala gei apei, acī Nhialic tääu raan ëbēn puöu bī ñic. ²⁰ Tetheer yon cek Nhialic nhial ku piny, alēu raan ëbēn bī ñic ë gai lön riel Nhialic ë rēer thīn akölrīēc ëbēn, ku yeen ë Nhialic alanden. Käjuëckä aacie tiņ ku aaye ñic rin käjuëc cī Nhialic cak. Këya, acin kë koņ kek röt kony. ²¹ Keek aake ñic Nhialic ku ñot ke kuc bik cīi dor. Ku kueeckë bik cīi gem alēcden ë yen Nhialic. Ku jöl kākken yekë tak cienkë konykë ku la piäthken bīth. ²² Na cök alon ye kek ye lueel lön ñic kek kāņ, ku acin kë ñickë. ²³ Ku lön bī kek ye aa door ë Nhialic pīr akölrīēc ëbēn, ka yekë ke door kāk cīi pīr ku raan ë thou. Ku kök cī kieet ke cīt diet ku lääi. Ku käckök wuc piiny keyöth cīmēn kapieny.

²⁴ Ku rin ë kēnē, aaci Nhialic ke puöl bik aa luui käreç wic piäthken, kāk la bīth. Ku wicwic ë diäär ku käckök yekë ke looi kamken kāk koc cöl ayār gup. ²⁵ Ku lön bī kek kēn yic ñickë rin Nhialic gam, ka yekë gam ë lueth ku yekë ke door kāk ke cek Nhialic, ku kueeckë Aciēņ yen cak käckä yen dhil ya door akölrīēc ëbēn. Yenakan.

²⁶ Ku ë yen acī Nhialic ke puöl bik aa luui käreç koc yöör gup. Ayī diäärken aya aaci te cī koc cak thīn puöl, ku aa röt lööm ë röt. ²⁷ Kēlä aya, röör aaci töc ye kek töc kek diäär, cīt te cī koc cak thīn puöl, ku rum bal kepuöth bik ke aa lööm röör kök cīt ke. Röör tuil röör kök, ku yekë käreç cīt käckä looi, aaye tem awuöc thōņ kek käreç yekë ke looi. Kāk këc puöl bī ke aa looi këya.

²⁸ Ku yeen aya rin cī kek kuc bik yiny Nhialic cīi ñic, aaci Nhialic puöl aya bik aa tak käreç ku yekë luui käreç cīi ke lēu bī raan ke looi. ²⁹ Ku aaci puöth thiāņ kuat käreç apei, adumuööm, kook ku koor. Ku aaci puöth thiāņ aya ë tieel, nääk, thör, ruēeny ku kuith, ku aa luum. ³⁰ Ku aa kegup tör lueth ku aa man Nhialic. Aa koc nhiam, koc dhäl koc gup cīn gup athēek. Koc tak dhöl juëc bī kek käreç looi. Koc cie koc ke dhiēth ke ë theek. ³¹ Koc cīn gup nīm, koc kēdāņ gam ku cik loi. Koc cīn puöth cie yiic ë ñeer raandä. ³² Cök alon ñic kek ye lön käreç yekë ke looi, alēu ke bī Nhialic ke tem thou, ke keek aacie käckä ë looi kepec, aa koc kök ke looi lec nīim aya.

Luņ Nhialic

2 ¹ Yin acin te bī yin rot kony te luk yin koc kök wei. Rin te ye yin koc kök luök wei, ku loi kāwēn yekë ke looi aya, ke yin ë rot dōm ë rot.

² Ku emēn aņicku lön Nhialic ala yic te luk yen koc wei, koc käckä looi. ³ Ku na ye koc luök wei, yin raan ë path, ku ñot yī loi ë käckä, ke ye tak lön bī yin luņ Nhialic ban? ⁴ Tedet aya, yin ë käjuëc rēr piath Nhialic yiic cīmēn piathden dīt, gum, ku lääu ë puöu yöōņ yiic, rin akuc lön aye piath Nhialic nyooth ba yīpuöu dhuök ciēēn. ⁵ Ku riel ë nom, ku rin cī yin kuc ba yīpuöu cīi dhuk ciēēn abä awäcdu juak yic aköl bīi riääk puöu Nhialic, ku te bī yen ñiec luk thīn abī rot nyuöth. ⁶ Rin Nhialic abī ñek a gām kë thōņ kek te cī yen luui thīn. ⁷ Koc bī kepuöth deet ku luuikë kápath ku wickë duar, lec ku pīr akölaköl, aabi Nhialic gām pīr akölrīēc ëbēn. ⁸ Ku koc ke looi kāk wic piäthken ku kueeckë yic ku buothkë käreç jōņrac, aabi Nhialic puöu riääk tēnē ke. ⁹ Koc ëbēn ë luui käreç aaba areem ku gum rac apei yök. Ku abī rot kaņ looi tēnē koc Itharel, ku tēnē koc cie koc Itharel aya. ¹⁰ Ku Nhialic abī duar ku lec ku döör gām koc luui kápath, tueņ tēnē koc Itharel ku jöl aa koc kök cie koc Itharel, ¹¹ rin Nhialic ë luk ñiec looi tēnē koc ëbēn.

¹² Ku koc cie koc Itharel kuc löņ Mothith, ku aa käreç looi luk abī looi tēnē ke cök alon kuc kek löņ. Ku koc Itharel aa ñic löņ Mothith, aa käreç looi ku luk aye looi tēnē ke tecit te ye löņ ye lueel thīn. ¹³ Rin acie piņ ë löņ yen koc cöl aye koc path tēnē Nhialic, aa koc ye looi kë ye löņ lueel kek aabi ya koc la cök Nhialic

nhom. ¹⁴ Ku ë yic, koc kök cie koc Itharel cïn lõj, te looi kek kädän tecit te ye lõj tö kepuõth ë path ye lueel thïn, ke keek aa cit koc la lõj cok alon cïn kek lõj Mothith. ¹⁵ Te ye kek luui thïn aye nyuõth lõn kæk wïc lõj aaci göt kepuõth, aa kápath ku käreec yekë ke looi ñic rin aaye piáthken nyuõth ke. ¹⁶ Ku kälä aya, cimën Wet Puoth Yam ya lek we, yen ë kë bi rot looi aköl luk te bi Jethu Kritho luk looi rin Nhialic tënë koc ëbën, ñek kek këden ci thiaan yeyic.

Koc Itharel aacie lõj ye theek

¹⁷ Ku yïin ëmën, yïn ë rot col aye raan Itharel, ku yïn ë rot col aye raan muk lõj, ku ye jam nhiaam lõn ye yïn raan Nhialic. ¹⁸ Yïn anjic kë wïc Nhialic ba looi ku yïn anjic yic rin ci lõj ye lek yï. ¹⁹ Aca gam lõn yïn awat koc ci cõr nhiim, ku yïn ë ruel tënë koc tö muõõth yic, ²⁰ ku yïn ë koc piõõc, koc kuc kån, ku yïn ë raan piõõc mith. Ku rin le yïn lõj aye tak lõn ñic yïn kån ëbën. ²¹ Yïn ë koc kök piõõc yejõ cïi yïn rot ye piõõc? Yïn ë koc weet ëlä, “Duõkkë ye cuëer.” Ku yïn cïi ë cuär ë yienhdu? ²² Aye lueel, “Duõkkë ye köör.” Cïi akor ye looi? Yïn aman jak ci kieet, cïi kápuõth tö yïik jak ci kieet yiic ye rum? ²³ Yïn ë jam nhiaam lõn ñic yïn lõj Nhialic, cïi Nhialic ye dhöl guõp te cïi yïn lõjnde loi? ²⁴ Aye athör theer wël Nhialic lueel ëlä, “Koc cie koc Itharel aa käreec lueel Nhialic guõp ë rienkun.”

²⁵ Cieej koc Itharel ye ke ñoot ë piath te theek kek lõj, ku na cïi lõj thek ke yïn acit raan këc ñoot. ²⁶ Na raan cie raan Itharel këc ñoot, raan cïi kë wïc lõj ë dhöl yic, cïi bi ciet koc ci ñoot? ²⁷ Ke wek koc Itharel wek aabi koc këc ë ñoot, ku aa lõj theek ya yõõk lõn acin raan bæk gök, te le we tem awuõc rin wek aacie lõj ye theek, cok alon ñic wek kë ci göt ku ñot we.

²⁸ Yeja yen raan Itharel ayic, yen ci ñoot? Acie raan yeke ñuõt tin yeguõp ë path yen ya raan Itharel. ²⁹ Raan Itharel guõp, ee ya raan yepuõu alonhthïn ci piände ñoot Wëi Nhialic, ku acie lõj ci göt. Ku raan këne acie lec yök tënë koc, aye yök tënë Nhialic.

Nhialic acie athõnde ye waar yic

3 ¹ Ye këpuõth nen wer koc Itharel koc cie koc Itharel? Tedet ye këpiath ñõ ye yök ñuõt yic? ² Kájuec aaye yök ayic! Tuej, koc Itharel aaci Nhialic thõn wetde bik muk apath.

³ Ku yejõ bi yiëndë te cïn koc kök Itharel gam? Bi kë cïn kek gam Nhialic col awar athõnde yic?

⁴ Acii bi waar yic! Yiny Nhialic adhil tö thïn akölaköl cok alon ye koc alueth. Cimën ye athör theer wël Nhialic ye lueel ëlä,

“Këya, bi ñic lõn le yïn yic, wël ye lueel yiic, ku luk yïin yic.”

⁵ Ku na käreec yeku ke looi ye Nhialic nyuõth lõn le yen cok alanden, ke yejõ buk lueel? Buk lueel Nhialic acin yic te tem yen yo awuõc? (Ee te ye koc jieem thïn yen alueth.) ⁶ Acie tede! Na Nhialic cïi la cok ke lëu bi luk looi tënë koc pinyinhom?

⁷ Alëu raan det bi lueel ëlä, “Na ye lueth ya ke lueel yic Nhialic nyuõth thïn alanden ku juek duarde yic, ke yejõ ñot ye ya col aye raan ci kërac looi ku tem ya awuõc?” ⁸ Yejõ cïi ye luel, cimën ye koc kök ya cak thok ku luelkë lõn ci yen ye lueel ëlä, “Loiku kërac bi këpath ben.” Ee yic bi kockä tem awuõc.

Acin raan la cok

⁹ Këya, ye yok ñueen tënë koc cie koc ë kuation yok koc Itharel?

Acie yic! Aca nyuõth wëntheer lõn yok koc Itharel ku koc cie kuation yok areer adumuõm yic yodhie, ¹⁰ cimën ye athör theer wël Nhialic ye lueel ëlä,

“Acin raan tõj la cok,

¹¹ acin raan kån deet yiic, acin raan wïc yeen bi Nhialic ñic.

¹² Koc aaci kekõth wël Nhialic, keek aaci reec ëbën ka ci la bih, acin raan këpath looi, acin mën raan tök.”

¹³ “Wël yekë keek lueel aa nhiany, aa cit ran ci ñaany nhom, liëpken aaci luel lueth ñic.”

“Wël yekë keek lueel aa cit wäl këpiiny koc luaañ.”

¹⁴ “Aa wël ye koc lam ku wël rem apei kek aatõ kethook.”

¹⁵ “Aa koc lac nõk path,

¹⁶ riääk ku mam aa döj te ci kek tæk thïn,

¹⁷ ku keek aaci dhël döör ñic.”

¹⁸ “Ku riöc, riöc kek Nhialic aliu käk yekë looi yiic.”

¹⁹ Ku aņicku kuat kë ye lõj lueel, aye lueel tēnē koc la ye rin bī cien raan la kë kony yen rot, ku bī raan ēbēn köc Nhialic nom. ²⁰ Kēya, acin raan bī la cök Nhialic nom te cök yen ye them bī kë wic lõj looi. Kē ye lõj looi ē lõn bī nyuöth raan lõn cī yen kērac looi.

Te ye Nhialic koc cök thin

²¹ Ku emēn te ye Nhialic koc cök thin yenhom aci nyooth. Aci lõj ku koc käk Nhialic tin lueel theer. ²² Nhialic ē koc cök te le kek gam tēnē Jethu Kritho. Ee kēnē looi tēnē kuat raan ēbēn cī Raan cī loc ku doc gam, koc Itharel ku koc cie koc Itharel aa thōj ēbēn. ²³ Ku rin cī kek ēbēn käreç looi, ee keek cöl amec tēnē duaar Nhialic. ²⁴ Ku keek aaci Nhialic muöc dheenjde piānde ēbēn bik la cök tēnē ye. Ku dhēen ye yök tēnē Raan cī loc ku doc Jethu yen ē koc kony bik käreç cīi loi. ²⁵ Jethu aci Nhialic gam rin bī thuonde a kë ye adumuööm päl piny te le raan gam tēnē ye. Kēnē aci Nhialic looi bī nyuöth thin lõn le yen cök. Ku wätheer Nhialic ē lir puöu, ecie koc ye tēm awuöc rin käreç cik looi. ²⁶ Ku emēn aci adumuööm cī looi ēbēn päl piny bī nyuöth lõn le yen cök. Nhialic aci kēnē looi rin le yen cök. Ku te looi yen kēnē ē raan ēbēn cī Jethu gam cöl ala cök.

²⁷ Na ye kēya, yejö ye yok jam nhiaam ē path? Acin kēdāņ! Ku ye wet nen ye yok nhiam? Ye rin cī yok lõj theek? Acie tede, ee te cī yok gam. ²⁸ Rin aņicku raan ē la cök tēnē Nhialic rin gam ku acie thek lõj ē rot. ²⁹ Ye Nhialic, Nhialic koc Itharel kepec? Yeen cīi ye Nhialic koc cie koc Itharel aya? Ee yic ē Nhialic koc cie koc Itharel aya, ³⁰ rin yen Nhialic tōj bī koc Itharel cöl ala cök ē gamden, ku cöl koc cie koc Itharel aala cök rin gamden aya. ³¹ Yeku lõj dhöl yic te le yok gam kēnē? Acie tede acin, yok aa lõj juak bī riel.

Gam Abaram

4 ¹ Yejö buk jäl lueel rin Abaram wundit theer koc Itharel? Yejö cī rot looi tēnē ye? ² Na Abaram la kēnē cī looi bī yen la cök tēnē Nhialic, nuöt ala kēnē ye yen nhiam. Ku aci loi kēlä tēnē Nhialic. ³ Cīmēn ye wēl cī göt athör theer wēl Nhialic yic ye lueel ēlä, “Abaram aci Nhialic gam ku rin gamde aci Nhialic cöl ala cök tēnē ye.”

⁴ Raan luui aye riop, ku wēu ye ye riop aacie miöc, ariöpdēn cī yen luui. ⁵ Ku raan cie luui la gam tēnē Nhialic, Nhialic yen koc cī käreç looi cöl aala cök, ke gamde yen ē ye cöl ala cök tēnē Nhialic. ⁶ Ku Debit aci wet thōj kek ē wet kēnē lueel wäär yen jam rin raan mit puöu cī Nhialic gam ke la cök tēnē ye, ke cie luoi puöth ye looi,

⁷ “Koc mit puöth aa koc cī Nhialic awäcken päl piny,
ku wuuny adumuöömken wei.

⁸ Raan mit puöu ee raan cī Beny bī kuen guöp käreç cī looi.”

⁹ Ye miet puöu cī Debit jam kēn koc Itharel ē röt? Acie kēden kepec. Ee kēn koc cie koc Itharel aya, ku wek aa we yeku lek kë cuk yök athör wēl Nhialic yic, rin aci wet cī göt theer lueel lõn, “Abaram aci Nhialic gam, ku gamde aci yen a raan la cök tēnē Nhialic.” ¹⁰ Ye nen yen looi kēnē rot? Loi rot tueņ wäär këc Abaram ŋoot aye wäär cī ye ŋoot? Ee tueņ, acie nuöt cök ciēn. ¹¹ Ku nuötdeņ jol ye lök ŋoot ciēn, aye nyuöth lõn gam Abaram aci Nhialic ye gam ke ye raan la cök tēnē ye tueņ wäär këc ye cak ŋoot. Ku kēlä, Abaram ē wundit koc cī Nhialic gam, ku aaye gam ke ye koc la cök tēnē ye cök alon këc ke ŋoot. ¹² Ku yen ē wundit koc cī ŋoot aya. Ku acie rin cī ke ŋoot, ee rin cī kek dhöl pīr gam thōj ke pīr wāda Abaram buöth yic wäär këc ye cak ŋoot.

Athön ku lõj

¹³ Nhialic acä Abaram thon ku mīth bī lök dhiēeth lõn bī pinynhom a kēden. Nhialic akēc athön kēnē looi rin theek Abaram lõj, ee rin cī yen gam, ku gam yen aci yen a raan la cök tēnē Nhialic. ¹⁴ Rin na ye kë ye Nhialic thön koc gām koc lõj theek, ke gam acin wetde yic, ku cīn kēpuöth tō athön Nhialic yic. ¹⁵ Lõj ē reec puöu Nhialic beei, ku te cīn yic lõj, acin lõj ye dhöl yic.

¹⁶ Nhialic ē loi athönde rin gam ku rin dheenjde, bī athönde a kēn yic tēnē mīth bī lök dhiēeth tēnē Abaram ēbēn. Ku acie tēnē koc la lõj ē röt, ee tēnē koc cī gam aya cīmēn Abaram. Rin Abaram yen ē wādan weikua yodhie, ¹⁷ cīmēn cī ye göt athör theer wēl Nhialic yiic ēlä, “Yin aca looi ba ya wun koc wuöt juēc.” Abaram aci ya Wāda Nhialic nom, Nhialic cī gam, Nhialic yen koc cī thou cöl aben pīr, ku wet ye lueel ke liu thin cöl aloi rot.

¹⁸ Abaram aci gam ku ñeeth kë cïn kë ñöth thïn, ku yen aci yen ben a wun koc wuöt juëc cimën cï Nhialic ye lek ye ëlä, “Kockun bi lök dhiëeth aabi juëc ka bi ciet kuel.” ¹⁹ Wën cï Abaram cak dhiop ë ruönke aa cit buoöt, ku ñic lön tienje Thara ke cï dhiop ke këc dhiëth, ke ñot këc dhör gamde yic. ²⁰ Ku rëer ke ñöth ku cï diu athön Nhialic, ku gamde aci ye ben yiëk riel ku leec Nhialic. ²¹ Ee ñic, ke cïn diu lön bi Nhialic la riel bi kë cï thön dhiel looi. ²² Ku ë yen aci Nhialic Abaram gam ke ye raan la cök tënë ye. ²³ Ku wëlkä, “Yen aci gam ke ye raan la cök,” aa këc göt rienke ë rot. ²⁴ Aake get rienkua yok koc bi Nhialic gam aya ke yo la cök, yok koc ye gam lön yen Nhialic yen cï Jethu Bänyda jot thou yic. ²⁵ Yen aci cöl athou rin adumuöömku, ku jot bi pïr bi yo cöl aala cök tënë Nhialic.

Gam yen abi yo luök

5 ¹ Këya rin gamda Nhialic aci yo cöl ala cök tënë ye, ku yok aala döör kek ye rin Bänyda Jethu raan cï löc ku döc. ² Yok aaci gamda cöl abii Jethu dhëëñ Nhialic yic, dhëëñ yen rëer yok thïn ëmën. Ku ayeku ñöth yo mit puöth lön yok aa duaar Nhialic röm kek ye. ³ Ku acie këlä rot, yok aa puöth miet aya te guum yok, rin gum ë deet puöu bëei, ⁴ ku gum ku deet ë puöu aye Nhialic gam. Ku gem ye Nhialic ye gam yen ë ñöth bëei. ⁵ Ku ñöth acie yo cöl ayär gup rin cï Nhialic nhiërde cöl athiön yopuöth, Weiken cï gäm yo.

⁶ Rin wäär ñot cïn yen te ye yok röt kuony thïn, ke Raan cï löc ku döc thou rin koc kuc Nhialic aköl cï Nhialic löc. ⁷ Aril yic bi raan thou rin raan la cök, cök alön lëu yen rot bi raan det thou rin raan path. ⁸ Ku Nhialic aci nhiër nhiër yen yo nyuoöth ë këne yic, rin tewäär ñot ye yok koc la gup adumuööm, Raan cï löc ku döc aci thou rienkua. ⁹ Ku ëmën thuonde aci yo cöl ala cök tënë Nhialic. Ku na cï këne looi, ke cïi yo bi weer bei ayic riän puöu Nhialic yic aköl ciëen? ¹⁰ Ku wäär ye yok koc ater tënë Nhialic, yok aaci thon Wënde cöl aben döör kek ye. Ku na ye këya, ke pïr Raan cï löc ku döc cïi yo bi kony? ¹¹ Ku acie këne ë rot, yok amit puöth aya tënë Nhialic rin Bänyda Jethu raan cï löc ku döc aci yo döör ke Nhialic.

Adam ku Jethu

¹² Adumuööm aci ben pinynhom rin raan tök, ku adumuööm cï looi yen aci ben ke thou. Ku këlä, thou aci ben tënë raan ëbën rin cï kek adumuööm looi ëbën. ¹³ Adumuööm ë tö pinynhom wäär këc löñ Mothith gäm koc, ku te cïn yic löñ tö thïn, adumuööm acie kuëc nom. ¹⁴ Ku jock Adam bi ben Mothith, thou ë ñot ye tem koc agut koc këc löñ Nhialic dhöl yic, cimën wäär cï Adam wet cï Nhialic lek ye dhöl yic.

Adam yen ë ye kin raan yen bi ben. ¹⁵ Ku keek karou aacii thön, rin miöc Nhialic cï gäm koc ë path acii thön kek adumuööm Adam. Raan tök, Adam, acä adumuööm looi, ku aci thou bëei tënë koc juëc. Ku këdit apei aya, raan tök, Jethu raan cï löc ku döc aci miöcdit dhëëñ Nhialic bëei tënë koc juëc. ¹⁶ Ku miöc Nhialic aci thön kek adumuööm ë raan këne. Ku adumuööm tön këne cök koc juëc aaci tem awuöc, ku adumuööm juëckä cök, miöc tön Raan cï löc ku döc Nhialic aci ben ku cöl koc aa ben la cök yenhom. ¹⁷ Rin adumuööm raan tök thou aci ben pinynhom. Ku këdit apei koc cï miöcdit Nhialic yök cï jäl la cök, aabi mac ku pïrkë akölrüëc rin Raan cï löc ku döc.

¹⁸ Këya, cimën ye adumuööm tök koc cöl aa tem awuöc ëbën, ke këlä aya, luoi tön la cök ë koc ëbën cöl aala cök Nhialic nom, ku bii pïr akölrüëc tënë raan ëbën. ¹⁹ Ku cimën cï raan tök wet Nhialic dhöl yic, ku bi koc juëc cöl aala gup adumuööm, ke këlä aya, rin cï raan tök wet Nhialic theek, koc juëc aabi la cök. ²⁰ Löñ ë gem ë rin bi luoi kërec rot juak, ku te ye kërec röt juak thïn, dhëëñ Nhialic ë rot jäl juak apei. ²¹ Ku cit lön ye adumuööm koc mac ku bii thou tënë raan ëbën, ke yeen aya awic Nhialic bi dheëñde koc mac ku looi ke bik la cök tënë ye. Ku gem ke pïr akölrüëc ëbën rin Jethu raan cï löc ku döc, Bänyda.

Pïr rin Jethu

6 ¹ Yeñö buk lueel ëmën? Buk la tueñ ke yo loi adumuööm rin bi dhëëñ Nhialic yeyic juak? ² Acie tedë! Acit kë cï thou tënë yo, aacii yo bi ben mac. Ye këde bi yok la tueñ yo pïr këlä? ³ Rin anjeckë ayic lön riel adumuööm aci dhoñ köu wäär muöc yonhiim buk aa koc Jethu raan cï löc ku döc, ku yok aaci muöc nhiim ë thuonde. ⁴ Ku yeen aya, wäär muöc yonhiim, yok aa yo cit koc cï la rañ tök yic kek ye thuonde yic. Ku cimën wäär cï Raan cï löc ku döc jot thou yic duaar Wun, ke yok aabi pïr ë pïr yam aya.

⁵ Na cuk röt mat kek ye thuonde yic, ke yok aabi röt dhiel jot thou yic kek ye aya. ⁶ Rin yok aa yo ye koc adumuööm, pïrdan theer ëci thou tim cï riü köu kek Raan cï löc ku döc, bi te ye yok koc adumuööm cien kë ben lëu tënë yo. Ku buk cïi ben aa koc tö adumuööm yic, ⁷ rin raan cï thou acii ben rëer riel adumuööm yic. ⁸ Na yo cï thou kek Raan cï löc ku döc, ka yeku gam aya lön bi yok pïr kek ye. ⁹ Rin anjicku lön na cï Raan cï löc ku döc jot thou yic, ka cïi ben thou, rin thou acii ben la riel tënë ye. ¹⁰ Acit thou arak tök rin koc ëbën bi

riel adumuööm nyaai, ku pierde emën ë pîr mit Nhialic puöu tënë ye. ¹¹ Këlâ aya, yakë röt cöl aacit koc cî thou tënë adumuööm, ku wek aaci pîr tënë Nhialic rin Raan cî loc ku doc Jethu.

¹² Duökkë adumuööm cöl amec pierdun bäk ke aa theek käreec wïc guäpkun. ¹³ Ku duökkë guäpkun pel adumuööm bî ya käreec kek yakë ke looi. Wek aa dhil röt thön Nhialic, ciet we koc cî thou cî ben pîr. Wek aa dhil guäpkun thön Nhialic ku bäk aa kocken ye looi kë la cök. ¹⁴ Adumuööm aciï we dhil mac rin wek aaciï ñoot lõh theer yic, wek aatö dhëej Nhialic yic.

¹⁵ Ye kë pîir yok ë dhëej Nhialic ke cie lõh, yook puöl buk adumuööm aa looi ë path? Acie tede! ¹⁶ Anjickë alanden lõn na thönkë röt raan det ku yakë theek we cit aloony, ke wek aa loony ë raan kënë cök ben adumuööm we yäth thou yic, ku këya, thekkë Nhialic bäk la cök tënë ye. ¹⁷ Lecku Nhialic, rin wek aa we ye aloony adumuööm, ke wek aaci yith yakë yök käk ye piöcc tënë we yiic, gam piäthkun ëbën. ¹⁸ Wek aaci wëer bei adumuööm yic, ku wek aaci ya aloony luoi käk la cök. ¹⁹ Yen ajam këlâ ë path cimën tedun ye wek jieem thïn, rin bî wek kë luuel deet yic. Cimën wek aa we ye guäpkun ëbën thön luoi käreec rin cî luoiden we rum puöth. Emën, wek aa dhil röt cöl aaye aloony käk la cök rin luoi këpath.

²⁰ Wäär ye wek aloony adumuööm, wek aa we cie dieer luoi la cök. ²¹ Yeñö kën cäk yök luoi ë kakkä yiic, käk ye wek gup yär thïn emën? Kakkä, ee thou yen ë yakë yök thïn. ²² Ku emën, wek aaci wëer bei adumuööm yic, ku wek aaci ya aloony Nhialic. Ku pierdun ëbën ë këde, ku kë yakë yök thïn ë pîr akölrüëc ëbën. ²³ Rin kë ye yök luoi adumuööm yic, ee thou. Ku miöc Nhialic ë pîr akölrüëc ëbën rin Raan cî loc ku doc, Jethu Bányda.

7 ¹ Anjic, wek aa kë luuel deet yic miethakäi cî gam rin wek aa ñic lõh. Lõh ë la riel bî raan dom te ñot pîir yen. ² Te thöön yok ye, ke tiñ cî thiaak aciï lõh ye puöl bî wïc mony det. Ku na thou muonyde ka cïn lõh ben ye gël. ³ Na wïc mony det ke muonyde pîr, ka cî ya tiñ cî koor. Ku na cî moc thou, ke lõh gël yeen aliu. Na thieek mony det ka cïn akor.

⁴ Ku ë yen tede aya tënë we miethakäi cî gam. Te thön yok ye lõh, ke wek aa cit koc cî thou tënë lõh rin wek abañ guöp Raan cî loc ku doc. Ku emën wek aa kacke yen raan cî jot thou yic, rin bî wek aa koc puöth loi wet Nhialic. ⁵ Wäär ñot pîir yok cieñdan theer cî yo cak thïn, käreec ke cî lõh tääu yopuöth aake lui apeï yogup. Ku aa käk thou kek aake yeku ke looi ëbën. ⁶ Ku emën yok aaci ben bei lõh theer yic rin cî yok thou tënë lõh wäär yen mec yo. Ku yok aa jöl luui dhël yam Wëi Nhialic, ku acie lõh theer cî göt.

Lõh ku adumuööm

⁷ Yeñö buk jäl luuel emën? Ye lõh yen adumuööm? Acie tede! Na ye këya ayic, ñuöt yen akëc adumuööm ñic ten ciï yen ye lõh. Rin ñuöt akëc ñic yen këreec winy kënë raandä yïpuöu tën këc lõh ye lek yen ëlä, “Duk kën raandä wïc yapuöu.” ⁸ Ku adumuööm aci lõh wel bî yen yen a duöñ ba puöu ayiëk kakkök. Ku na cie lõh ñuöt acin adumuööm. ⁹ Wäthëer, yen a ya ciëñ ke ya kuc kë ye lõh luuel. Ku wäär le yen lõh ñic, aca ben yök yapuöu lõn cî yen lõh dhoñ kôu ku ya raan ë thou. ¹⁰ Aca ben yök lõn lõh puöth wën ñic ke yen bî pîr beei, aci ben a kën thou beei. ¹¹ Ku adumuööm aci lõh wel bî yen ke yen a duöñ, ku rin lõh, yen aci adumuööm cöl athou.

¹² Ku ë cïn këreec tö lõh yic, ee ye lõh Nhialic la cök ku peth. ¹³ Ye këlâ, lõn nadë ke këpath yen aci thou beei tënë ya? Acie këya! Adumuööm yen ë looi ye. Aci këpath lööm bî yen thou beei tënë ya rin bî tereec yen thïn, yen adumuööm tic. Ku këlâ, rin ë lõh, adumuööm aye nyuöth ke ye kërac apeidit. ¹⁴ Anjicku lõh ë ben tënë Wëi Nhialic, ku yen ë raan ë path, alony adumuööm. ¹⁵ Yen acie kë ya looi ye deet yic, rin yen acie kë wiëc ba looi ye looi, ku aya looi ë kë maan ba looi. ¹⁶ Ku na luoi kë cä wïc ba looi, ka ya gam lõn lõh apath. ¹⁷ Këya, acie yen ë kënë looi ayic, ku adumuööm rëer ke ya. ¹⁸ Anjic, acin këpuöth rëer ke ya, rin cit te cî ya cak thïn kek adumuööm. Rin na cök alon wïc yen ye ba këpath looi, ka cä ë lëu ba looi. ¹⁹ Rin kë ya looi acie këpuöth ya wïc ba looi, ku këya kë ciï path cä ë wïc ba looi, yen aya looi. ²⁰ Emën na ya looi kë cä wïc ba looi, ka cie yen ye looi, adumuööm rëer ke yen yen ë ye looi.

²¹ Këya, aya yök lõn luui lõh kënë. Te wïc yen ye ba këpath looi, ke kë ciï path yen ë rot teem thïn. ²² Ku piändie guöp anhiar lõh Nhialic, ²³ ku yen ë lõh det tiñ ke lui yaguöp, lõh cie la piny kek lõh cî piändie gam. Ku yen ë ya cöl aye alony adumuööm yen lõh lui yaguöp kënë. ²⁴ Yeñö be kërac ya yök këlâ! Yeña bä kony guöp ya yäth thou yic? ²⁵ Lecku Nhialic rin cî yen Bányda Jethu raan cî loc ku doc, cöl akony ya.

Këya, kënë yen ë tedie, yen nhom piändie yic alony lõh Nhialic, ku cit te cî ya cak thïn alony adumuööm.

Pir Wëi Nhialic yic

8 ¹ Ku këya, acin awuöc ye tem koc cï ya tök kek Raan cï löc ku döc Jethu, ² rin löñ yam, Wëi Nhialic ë pir bæei rin Jethu raan cï löc ku döc, acä wæer bei löñ adumuööm yic, löñ thou. ³ Kën këc löñ lëu bi looi rin te cï yo cak thïn ke yo cï ril rin adumuööm, acï Nhialic looi ë tuuc cï yen Wënde nom tuöc ke ye raan cïmënda, ku bi nöc bä adumuööm nyaai. Ku te looi yen kënë, acä adumuööm tö koc gup cöl acin riel. ⁴ Kënë acï Nhialic looi rin bi luoi wïc löñ dhiel la cök yogup yok koc pir Wëi Nhialic, ku acie te cï yo cak thïn. ⁵ Koc pir cït te cï ke cak thïn kek adumuööm, aake nhïim yiëk käk ye te cï cak ke wïc, ku koc pir cït te wïc löñ Wëi, aake nhïim täau käk wïc löñ Wëi yiic. ⁶ Te yïk raan yenhom luoi käk adumuööm, ka thou. Ku na yïk raan yenhom kë wïc löñ Wëi, ka yök pir ku döör. ⁷ Ku raan ë la ater kek Nhialic te yïk yen yenhom käk luoi adumuööm rin acie löñ Nhialic ye theek, ku acï lëu bi löñ Nhialic theek. ⁸ Ku koc ye theek te cï yo cak thïn aacie Nhialic cöl amit puöu.

⁹ Ku këya wek aacï ciëñ cït te cï we cak thïn, wek aa ciëñ cït tënë löñ Wëi te rëer Wëi Nhialic ke we ayic. Ku na ye raan cï rëer kek Wëi Jethu raan cï löc ku döc, ka cie raande. ¹⁰ Ku na rëer Raan cï löc ku döc kek we, ke guäpkun aacï thou rin adumuööm ku weikun arot ke pir rin cï ke looi bik la cök tënë Nhialic. ¹¹ Na Wëi Nhialic yen jöt Jethu thou yic rëer kek we, ke raan jöt Raan cï löc ku döc thou yic, ka bi guäpkun thou cöl aa pir rin rëer Weike wegup.

¹² Këya, miethakäi yok aala kë dhilku looi, ku acie lon bi yok rëer pïrdan theer cï yo cak thïn yic. ¹³ Rin na piërkë cït te cï we cak thïn, ke wek aabi thou, ku na pälkë kärec yakë ke looi rin Wëi Nhialic, ke wek aabi pir yök.

¹⁴ Koc ye Wëi Nhialic nyuöth, aa mith Nhialic. ¹⁵ Rin Wëi cï Nhialic gäm we acie we cöl aye ben ya aloony adumuööm, ku looi we bak riöc. Ku Wëi Nhialic ë yo cöl aye mith Nhialic, ku wek aacï Wëi Nhialic cï we looi bak aa miethke yök. Ku Wëi acï yo cöl aye Nhialic löñ, “Wä! Wä!” ¹⁶ Aye Wëi Nhialic guöp kek weikua lueel lon ye yok mith Nhialic. ¹⁷ Emën ye yok miethke, yok aabi käkken muk tënë kacke thon. Ku käpuöth muk rin Raan cï löc ku döc aya rin te guum yok cïmënde, ke duarde abi ya këda aya.

Duaar aköldä

¹⁸ Aya tak lon käk yeku guum pierda yic emën, aacï kön thöñg kek duaar bi Nhialic nyuöth yo, duaar bi rëer kek yo aköldä. ¹⁹ Käk cï Nhialic cak pinynhom ebën aa rëer ke nöth apeï, ke tit aköl bi Nhialic miethke nyuöth. ²⁰ Ku käk cï cak, koc pinynhom aake bi rëer ke cï puöth mum, ku aacie kek ke cï yen tak, ee Nhialic yen loi ye këya. Ku nöth kënë ë not tö thïn. ²¹ Ku käk cï cak aabi waar aköldä rin bik cï riääk, ku bik läau nomdit mith Nhialic rom ke ke.

²² Rin añicku agut cït emën, käk cï cak aa rëer ke dhiau ke rem, areem cït areem tiñ röp. ²³ Ku aacie käk cï cak ë röt, yok koc cï Wëi yök ke ye miöc tueñ ë Nhialic, yok aa rëer yo dhiau yo rem puöth aya, ke yo tit apeï te bi Nhialic yo luoi thïn buk aa miethke, ku cöl guäpkua aa waar röt bik aa yam. ²⁴ Rin ë nöth yen ë cöl yo apoth, ku na yeku kë nöthku tiñ, ka cie nöth acin. Rin ye ña kë tö kek ye nöth? ²⁵ Ku na yeku nöth kë cï tö ke yo, ka yeku tiit ke yo lir puöth.

²⁶ Ku cït mën aya, Wëi Nhialic ë ben aya ku kony yo rin ye yok cï ril, rin kuc yok te dhil yok Nhialic röök thïn, ke yeen ë Nhialic löñ rienkua, ku leñ ke dhiau dhiën cin wël ye teet. ²⁷ Ku Nhialic yen kë rëer raan puöu tiñ, añic kë lueel Weike, rin Weike ë röök rin kacke cït te wïc Nhialic ye thïn. ²⁸ Ku añicku këriëc ebën yic, Nhialic ë luui käpath rin koc nhar ye, koc cï cöl bik këden wïc looi. ²⁹ Koc kek cï Nhialic löc theer, aacï looi aya bik ciet Wënde, ku bi Wënde a kaai wämäthakën juëc yiic. ³⁰ Këya, Nhialic acï koc cï löc cöl ku looi ke bik la cök tënë ye, ku koc cï cöl aala cök tënë ye aacï la duarde aya.

³¹ Këya, yeñö buk lueel rin ë kënë? Na Nhialic akäac kek yo, ke yeña bi yo maan? ³² Na Nhialic akëc Wënde nom guöp ñuään wäär ku cöl athou rienkua ebën. Na cï yo gäm Wënde, ke cï yo bi gäm këñ ebën ë path aya? ³³ Yeña bi la wet bi lueel koc cï Nhialic löc gup? Ee Nhialic nom guöp yen acï ye lueel lon le kek cök tënë ye. ³⁴ Le raan det lëu ye bi ke tem awuöc? Acin raan agut Jethu aya raan cï löc ku döc cï thou, ku jöt ran yic bi ben pir, ku areer kön cuëc Nhialic, ee Nhialic löñ rienkua. ³⁵ Yeña bi yo tek bei nhiër Raan cï löc ku döc yic? Lëu aliäap, tedë ba gum rin ye yin raan cï gam, ayi nöñ, ayi riöc rin kärec, ayi lon bi yi nöc ba thou? ³⁶ Cïmën cï ye göt athör theer wël Nhialic yic ëlä,

“Rin wetdu yok aa rëer käk
näk yook yiic aköl thok ebën,
yok aaye looi cïmën amel la teem röt.”

³⁷ Acie tede, kakkä yiic ebën yok aala riel dit ye yok kån tiaam rin raan yen nhiaar yo. ³⁸ Rin anjiec alanden lön acin ke tæk yo bei nhiërde yic. Cok athou ayi pîr, cok atuuc nhial ayi jakrec, cok aa kæk loi röt emën, ayi kæk bi röt looi aköldä, ayi kakkök ril. ³⁹ Ayi nhial, tedet wërdit cok piiny, acin kē lēu ye kuat kakkä yiic ebën bi yo tek bei nhiër Nhialic yic, yeen ē kēda rin Raan ci loc ku doc, Jethu Bānyda.

Nhialic ku kacke

9 ¹ Kē ya lueel ē yic. Yen acie jam lueth rin yen ē raan, Raan ci loc ku doc. Aye puëndien mec Wēi Nhialic lek ya apeï lön yen acii lueth luel. ² Rin dak piändie adit apeï, ku te reem piändie thîn rin kackie acie yop. Yen ajam rin koc kuatdie, koc Itharel. ³ Ku na lēu rot ba ke kony, nuõt awiēc bi Nhialic ya tem awuoc ku cā ben a raan Raan ci loc ku doc. ⁴ Keek aa koc ci Nhialic loc ku col ke aaye kacke, ku nyuth ke duarde ku looi döör ke ke ku gem ke löj. Ku nyuth ke te bi kek ye aa duor thîn apath. Ku yökkē kæk ci Nhialic thön ke. ⁵ Keek aa ke ye kuat koc ñic theer. Ku Raan ci loc ku doc, wäär ci yen jäl a raan cimēnda ē ye raan kuatden. Raan ebën adhil Nhialic yen mec kån ebën a leec akölrüēc ebën. Yenakan.

⁶ Acā ye lueel lön kē ci Nhialic thön akēc rot looi. Kē ci Nhialic thön aci rot dhiel looi, rin acie koc Itharel kek ke ci Nhialic loc ebën. ⁷ Aci Nhialic lueel tēnē Abaram, “Acie mīth ebën bi dhiēeth tēnē yi kek bi ya mīth Nhialic, aa mīth bi dhiēeth many Itharel kek aabi ya miethku kek ca thön yi.” ⁸ Kēya, aye kēnē nyooth lön aacie mīth bi dhiēeth Abaram ebën kek ke bi ya mīth Nhialic, aa mīth ke ci Nhialic thön ye kek aake bi ya miethke. ⁹ Kēnē ci Nhialic lueel akīn wäär thön yen wet tēnē Abaram, “Te le akalde ben, ke yen abi dhuk ku Thara abi manh moc yök.”

¹⁰ Kē cit ē wet kēnē aya, mīth Rabeka karou, wunden ē ye tøk, wäditda Ithäk.

^{11–12} Aci Nhialic lueel tēnē Rabeka, “Wëndun dit yen abi ya luui tēnē wëndun koor.” Aci kēnē lueel rin bi nyooth lön kē ci yen raan tøk loc keyiic ku pel raan det, ee wic piände ē rot bi looi kēya. Nhialic ē luel wet kēnē tēnē Rabeka, ke Rabeka kēc mīth cak dhiēeth, ke cin kēpath ku kēreec ci ñek looi. Kēnē ci rot looi ē kē ci Nhialic raan tøk col ku pel raan det. Ku acie kēnē ci ñek looi kamken. ¹³ Cimēn ye athör theer wël Nhialic ye lueel elä, “Jakop aca loc ku kueec Ethau.”

¹⁴ Abi koc kæk aa lueel lön Nhialic acin yic, ku acie tede. ¹⁵ Rin aci Nhialic lueel tēnē Mothith elä, “Na wiēc ba raan det nuään, ka luoci, na wiēc ba puöu löny tēnē raan det, ka luoci aya.” ¹⁶ Kēya, acie kē wic raan, tede kē ye looi, ee lier puöu ē Nhialic. ¹⁷ Rin aci Nhialic lueel wël theer ci göt yiic tēnē beny Ijip elä, “Yin aca looi ba ya beny rin bi riöldie yi nyuooth, rin bi koc pinyhom ebën ya piñ.” ¹⁸ Kēya, na wic Nhialic bi raan nuään, ka looi. Ku na wic raan det bi col aril nom, ka looi aya.

Nhialic ē koc nuään ku tēm koc awuoc

¹⁹ Tedet yen abi raan det thiēc elä, “Na ye yen te ye Nhialic luui thîn akan, ke yeñö ye yen raan tem awuoc? Ku yeña lēu ye ku bi kē wic Nhialic jöony?” ²⁰ Ye tak ye yin ē ña ba yinhom jääm kē ci Nhialic looi? Töny acie tiñ cuēc ye ye thiēc, “Yeñö cuēc yin ya kēlä?” ²¹ Tiñ cuēc töny ala yic bi tiop cuēc teden wic yepuöu, ee töny karou cuēc ē tiom tön yic, amuc yen jööl muoc ku töony ye yen luui baai ē path.

²² Kē ci Nhialic looi athön kek ē kēnē. Awic bi riääk piände nyuooth ku col rielde anjic. Ku not pel yepuöu piny tēnē koc reec yen puöu thîn, koc reer ke bi tem awuocdit apeï. ²³ Ku ee wic aya bi duarden dit nyuöth yo, duarden dit ci yen yo mat thîn yok kacken ci nuään. Yok kacken ci guir theer buk duarde yök. ²⁴ Ku yok koc ci col yok aa yo la yiic koc Itharel ku koc cie koc Itharel aya. ²⁵ Ku kēnē ci Nhialic lueel akīn, kē ci göt athör Yocia yic raan kæk Nhialic tiñ,

“Aba col kackie,

te jieem yen koc cie kackie ayic.

Aba col kackien nhiaar,

te jieem yen rin koc cā ke nhiaar.”

²⁶ Ku tēnē yen aci Nhialic ye lueel thîn elä,

“Wek aacie kackie,

teen aabi col ka weet Nhialic tö pîr yecin.”

^{27–28} Ku Ithaya raan kæk Nhialic tiñ aci jam apeï theer rin koc Itharel elä,

“Na koc Itharel juēc abik ciet lieet agör,

ka koc lik keyiic kek aabi poth,

rin Nhialic abi luk lac looi luñ cii yeyic dhuk tēnē koc pinyhom ebën.”

²⁹ Acit wet ci Ithaya raan käk Nhialic tiñ lueel wätheer älä,
 “Na Nhialic Madhöl kéc yook nyän koc ë kuatda yic,
 nuöt yok aaci ciet koc gen Thodom ku Gomora.”^a

Wet Puoth Yam ee luel tënë koc Itharel aya

³⁰ Kënë yen ë lueel, “Ee kéc koc cie koc Itharel them bik la cök tënë Nhialic. Ku aaci Nhialic ben col aa la cök rin ci kek ye gam. ³¹ Ku eci koc Itharel them bik la cök Nhialic nom rin thek ë löñ, ku acin kë cik ben yök.” ³² Ku raan det abi thiëc älä, “Yeñö cin yen kë cik yök?” Acin kë cik yök rin acik them bik looi ë röt ku cik Nhialic gam. Këya, aa cit koc ci kecök deeny aläl, ³³ aläl yen ye athör theer wël Nhialic jam ye älä,
 “Pieñkë apath, yen abä aläl bi koc col aaye kecök deeny.
 Töou Jeruthalem, aläl bi koc col awiëek.
 Ku raan bi wetde gam acii bi rac puou.”

10 ¹ Miethakäi, kë wic piändie ku röökkie tënë Nhialic rienken, ee lon bi kockien Itharel ñic te bi Nhialic ke kuony thin. ² Aleu ba ya raan ñic ye lon awickë bik luui apeï bik Nhialic col amit puou tënë ke. Ku dhël ye kek ye wic bik Nhialic col amit puou, acik ye deet yic apath. ³ Ku rin kéc kek dhël ye Nhialic koc col aala cök tënë ye deet, acik them bik dhël yök ë röt, dhël bi ke col aala cök tënë Nhialic. Ku aa kéc dhël ye Nhialic koc col aala cök tënë ye gam. ⁴ Ku Raan ci löc ku döc yen aye löñ thök thin. Ku këya, Nhialic ë kuat raan ci gam ebën col ala cök tënë ye.

Acin raan cii Nhialic ye kony

⁵ Mothith aci te ye koc la cök thin tënë Nhialic te theek ë löñ göt älä, “Na loi raan kë ye löñ lueel, ke yeen abi löñ col apir.” ⁶ Kë ye wël Nhialic ci göt theer lueel rin bi raan la cök tënë Nhialic rin gam akin, “Duk rot ye thiëc, yeña bi la pan Nhialic.” Rin bi yen Raan ci löc ku döc la thiëc bi ben piny tënë yo. ⁷ “Duk rot ye thiëc aya, yeña bi la piny.” Ku wetde yic bi Raan ci löc ku döc la beei bei kam koc ci thou. ⁸ Kë ye wël Nhialic ci göt theer lueel akin, “Wet Nhialic athiök kek yi, arer yithok ku yipuou.” Ku këne yen ë wet töñ yeku lek we. ⁹ Na ye lueel koc nhim älä, “Jethu ë Beny ku gam yipuou lon ci Nhialic ye jot thou yic, ke Nhialic abi kony. ¹⁰ Gam ë ben bei yopuöth ku col yo aala cök tënë Nhialic, ku luel ye yok gam lueel yothook koc nhim aye Nhialic yo kony.” ¹¹ Cimën ci ye göt athör theer wël Nhialic yic älä, “Ku raan bi wetde gam acii bi rac puou.” ¹² Kënë atö raan ebën thin, rin Nhialic Beny athön tënë koc ebën, koc Itharel ku cie koc Itharel aya. Ku ë koc rök tënë ye ebën gam käjuëc path apeï. ¹³ Cimën ye wël Nhialic ci göt theer ye lueel älä, “Na le raan Beny col ke yen akony Beny.”

¹⁴ Ku yeen acik bi col ayic te kéc kek gam. Ku keek aacii bi gam te kéc kek wet piñ. Ku wet acik bi piñ te kéc ye lek ke. ¹⁵ Ku bik wet piñ këde te cin yen raan ci tuöc ke. Cimën ci ye göt athör theer wël Nhialic yic älä, “Ee këpath apeï, koc bii wet puoth yam aa bö.” ¹⁶ Ku acie raan ebën yen ci Wet Puoth Yam gam. Acii Ithaya nom guöp lueel älä, “Beny yeña ci wetda gam?” ¹⁷ Këya, keek aa wet kañ piñ tueñ ku jolkë gam. Ku wet këne aye piñ te piöc koc rin Raan ci löc ku döc.

¹⁸ Ku ë yic alanden, keek aaci wet piñ. Cimën ci ye göt athör theer wël Nhialic yic älä,

“Wël cik lueel apeï aaci thiëi piny.

Wël thuonden aaci yet pinyhom ebën.”

¹⁹ Ku koc Itharel guöp ë ñickë. Mothith nom ke jam nyin Nhialic, yen abi ye kañ lueel,

“Wek wundien Itharel, wek aaba col adom tiëel.

Rin koc cii cok a wut, wek aaba col ariäak puöth

rin koc wun cin kë cik deet.”

²⁰ Ku jam Ithaya nyin Nhialic, ku gei yic älä,

“Yen aci koc ke cii yen wic yök.

Yen aci rot nyuöth koc ke cie yen ë thiëc.”

²¹ Ku aci lek yo lon ci Nhialic ye lueel rin koc Itharel älä,

“Yen acä cin taar aköl thok ebën tënë koc dhel yen, koc cie wetdie ye piñ.”

^a9:29Koc Thodom ku Gomora aake ci Nhialic col aa nyuop bik thou ebën rin kärec yekë looi, tiñ Ith 1:9

Nhialic ë nuäände nyuöth koc Itharel

11 ¹ Kë thiëc, cii Nhialic kuc kacke? Acie tede. Yen nom guöp, yen ë raan Itharel, yen ë raan kuat Abaram, raan many Benjamin. ² Nhialic akëc kuc kacke, koc yen loc ke theer. Wek aa ñic käk cï göt athör theer wël Nhialic yic, käwäär ye Elija Nhialic cöl rin käreec cï koc Itharel looi, ³ “Beny, keek aaci koc käkku tiñ nõk ku thurkë ariäkku piny, ee yen raan töñ käkku tiñ cï döñ, ku keek awickë bik ya nõk.” ⁴ Ku te cï Nhialic ye beer thin tënë ye akïn, “Ku yen aci rööñ tiim kadhorou cöl areer kek ya, rööñ këc jöñ cöl Baal ye koc kök cöl aye Nhialicden kañ door.” ⁵ Emën kë thöñ kek ë kënë aci rot looi, Nhialic aci koc lik loc rin dheenjde. ⁶ Nhialic acie koc ë loc rin käk cïk looi. Rin na Nhialic ë koc loc rin käk cïk ke looi, ke nuöt acii dheenjde ye nyuöth acin.

⁷ Ku ë yic koc Itharel aa këc kënë yen wickë apei yök, ku aa koc ke cï Nhialic loc kek aaci ye yök. Ku Nhialic aci koc kök looi bik kë ye lueel cii piñ. ⁸ Cimen cï ye göt athör theer wël Nhialic yic ëlä,

“Keek aaci Nhialic looi bik kãñ cii ye deet yiic agut cit akölë,
aacit koc cie piñ ku cöörkë.”

⁹ Ku aye Debit lueel,

“Yen ee rööc tënë Nhialic

lon bi yen ke deep ku döñ keek yäiken yiic.

Bik wiik bi keek tem awuöc.

¹⁰ Ku cöl Nhialic keek aa la nyin dum bik cien kë yekë tiñ.

Bi kãkken rec yekë keek looi ciet kãthiek keköth.”

¹¹ Alueel piändie ebën lon na cök alon cï koc Itharel kecök deeny bik wiik, ke keek aa këc geek piny. Ku rin cï kek adumuööm looi, ke kuöony Nhialic aci ben tënë koc cie koc Itharel. Kënë aci rot looi rin bi tiel koc Itharel nõk ë rienken. ¹² Ku rin cï koc Itharel adumuööm looi, ke koc kök pinynhom aaci döc. Ku rin këc koc Itharel kepuöth yiëc dhël pïr, döcdit aci gam tënë koc cie koc Itharel. Ku bi döc jãl dit këdë te jöl koc Itharel met thin.

Koc cie koc Itharel aabi kony

¹³ Kë lueel emën ë kë lek koc cie koc Itharel. Cimen ye yen atuny koc cie koc Itharel, yen abi nhiam luoi cï Nhialic yiëc ya ba looi. ¹⁴ Tedë, ke yen abi koc kuatdie cöl adöm tiel, ku rin luoidien ca looi, Nhialic abi koc kök kony keyiic. ¹⁵ Tewën cï Nhialic kuc ke, go koc kök pinynhom cöl aala döör kek ye. Ku te le koc Itharel gam aya, ka bi ciet koc cï thou cï ben pïr. ¹⁶ Na gem raan abañ ayup tënë Nhialic, ka ayup ebën ë kënë Nhialic aya. Ku na ye mei tim käk Nhialic ke kër aa kãkke aya.^b

¹⁷ Kër kök tim ye com cöl Olip aaci yep wei, ku nuet kër Olip cil roor ë rot teden wën, ku jöl dit apei abi ciet Olip ye com baai, ye ñiec muk apath. Këya, wek koc cie koc Itharel kök ben tënë koc Itharel, wek aa kãpath yök thin aya cimen ye kër Olip pierden yök tënë Olip det cï ye nuet yeköu.^c ¹⁸ Këya, duökkë koc cï Nhialic yep wei cimen kër tim ye bui. Acin kënë yi cöl anhiam, acie yin meei looi bi riel, ee meei yen ë yi looi ba riel. ¹⁹ Abi raan det kamkun lueel ëlä, “Kër aaci yep wei rin bi yo nuet nyienken yiic.” ²⁰ Kënë ë yic. Aaci yep wei rin këc kek gam, ku döñkë nyienken yiic alanden rin cï wek gam. Ku duökkë nhiam ë kënë, riääckë kë bi ben. ²¹ Na këc Nhialic koc Itharel puöl bi ke cï tem awuöc, koc cit kër tim cï com baai ka cii we bi puöl aya.

²² Ayeku tiñ emën yen te peth Nhialic thin, ku te yen koc tem awuöc thin. Ee koc ca adumuööm looi tem awuöc. Ku ë piath tënë yi te ye yin rëer ke yi nõth piathde ku looi käk ye cöl apath puöu tënë yi. Ku na cii kënë loi, ke Nhialic abi yi yep wei aya. ²³ Ku na dhuk koc Itharel kepuöth ciëñ ku gamkë wet Nhialic, ka dhuk teden theer wäär yep ke wei thin, rin alëu Nhialic bi ke ben dhuök thin. ²⁴ Këya, wek koc cie koc Itharel wek aa cit kër tim Olip cï yep bei Olip cil roor köu, ku nuët ke kek tim Olip ye com. Koc Itharel aa cit tim cï com kënë, ku abi yic pial tënë Nhialic bi kër cï yep wei ben nuët kek tim yep ke bei thin.

Koc Itharel ebën aabi kony

²⁵ Ala yic keckë kañ ñic wãmãthkie wiëc ku bæk ñic. Na ñieckë ë yiny kënë, ka cãk bi ya tak piãthkun ku luelkë, “Yok aa ñic kãñ.” Ku yiny kënë akïn. Wet cï koc kök Itharel kuc bik cii gem acii bi tö thin akölaköl,

^b11:16Paulo aluel kënë bi nyuöth lon koc Itharel aa not ke ye koc Nhialic, cök alon cï kuöony gam koc cie koc Itharel emën.

^c11:17Koc cie koc Itharel aa kãpath yök tënë koc Itharel cimen ye kuël ayi acieek pierden yök tënë tim cï yen cil yeköu.

abi rëer thïn yet aköl bi akuën koc cie koc Itharel wic Nhialic ben bäanyde yic tënë ye. ²⁶ Ku ë yen te bi Nhialic koc Itharel ëbën kuony thïn, cïmën ye athör theer wël Nhialic ye lueel ëlä,

“Raan luäk koc abi ben Jeruthalem ku nyeei adumuööm koc Itharel gup.

²⁷ Ku lueel Nhialic, yen abi döör kënë looi ke keek, te le yen adumuöömken nyaai.”

²⁸ Rin cï kek kuc Wet Puoth Yam, aaci ya koc ater tënë Nhialic, ku kënë aci rot wel ke ye kuony tënë we, wek koc cie koc Itharel. Ku rin cï Nhialic ke loc, aci wärken dit thon lon kuatden aabi ya mäthke akölaköl.

²⁹ Rin Nhialic acie yenhom ë waar tënë koc cï loc ku döc ke. ³⁰ Ku wek koc cie koc Itharel, wek aa we cï kuc Nhialic wätheer, ku emën wek aaci Nhialic nuään rin cï koc Itharel Nhialic dhöl. ³¹ Këlä aya, rin nuëen cäk yök, ke koc Itharel aa dhäl Nhialic emën, rin bi kek nuëen yök emën aya. ³² Nhialic aci koc ëbën col aa cit koc cï mac rin cï kek ye dhöl guöp, ku bi nuäände nyuöth ke ëbën.

Yok aa dhil Nhialic leec

³³ Käpuoth Nhialic aa juëc apei. Ku yeen acin kënë ye wuöñ, anic kanj ëbën. Yeña lëu ye bi te yen tek thïn teet yic? Acin raan lëu ye bi te yen kärke luöi thïn deet yic. ³⁴ Cïmën ye athör theer wël Nhialic ye lueel ëlä,

“Acin raan njic te ye Beny tek thïn, acin raan lëu yeen bi Beny wëet?”

³⁵ “Acin raan lëu yeen bi Nhialic gäm këdän, rin bi Nhialic yeen kööny.”

³⁶ Rin ë Nhialic yen ë cak këriëc ëbën, ku ë yen amuk këriëc ëbën, ku këriëc ëbën aa tö thïn ë rienke. Yok aa dhil Nhialic leec akölrïëc ëbën! Yenakan.

Yok aa pïr rin bi yok Nhialic luöi

12 ¹ Këya miethakäi, rin cï Nhialic yo nyuöth lier ë piände, alek we piändie ëbën, te juër wek röt Nhialic bäk ciet kë nek ye, ku week ke we pïr, ke we loi ë kënë bäk aa kärke alanden. Kënë yen ë dhël dhil wek Nhialic door wepuöth. ² Duökkë te ye koc pinynhom ë ten luui thïn ye buöth yic, calkë Nhialic awar wepuöth papot, bi we gäm nhom yam ku bäk kë wic Nhialic njic, ku kë wic Nhialic ë këpeth ye col amit puö, ku le cök.

³ Ku rin dhëñ puoth cï Nhialic yiëk ya, alek we ëbën. Duökkë ye tak lon ye wek kocdit wer koc kök njiny kanj, ten te rëer wek thïn emën wek koc ë path, ku ye njek rot tööu teden thöñ kek gam cï Nhialic yiëk ye.

⁴ Yok aa le njek ke guöp, ku guöp ala käjuëc, ku kakkä aa ye tök la këden ye looi. ⁵ Këlä aya, yok aa juëc, ku yok aa cit guäp tök rin yok aa tök kek Raan cï loc ku döc, yok aaci mat ë tök cïmën käk cï thöñ tö guäp tök yic. ⁶ Këya, njek kamkua adhik kë cï gäm ye luöi tecit te cï Nhialic ye gäm ye bi looi. Na ye kë cï Nhialic gäm yo lon bi yok wetde lek koc, ka dhilku looi tecit te diit gamdan cï Nhialic yiëk yo thïn. ⁷ Na cï Nhialic yo col aye koc luöi, ka dhilku kony. Na cï yo col aye piöc, ke yok aa piöc. ⁸ Na cï yo looi buk koc kök aa deet puöth, ka dhil looi këya. Raan kë töu kek ye tek kek koc kök, adhik looi puön biökruel. Raan cï Nhialic yiëk riel bi yen koc mac adhik looi puö ëbën, ku raan lier puö nyuöth tënë koc kök, adhik looi ke dal, ke mit puö.

⁹ Duökkë röt ye nyuöth ciet we nhiaar koc, dhiekë koc nhiaar puö ëbën. Mankë kërac ku muökkë këpath riel. ¹⁰ Nhiarkë röt piäthkun ëbën cïmën njek ke wämënh, ku nyuöth te ye yin raan det theek thïn, ku duk te bi yi theek thïn yik yinhom. ¹¹ Duökkë röt dak, luöikë apei. Luöikë Beny piän tök. ¹² Rëerkë we mit puöth te cok koc kök we jöör rin le wek njöth, ku röökkë Nhialic akölaköl. ¹³ Gämkë koc cï gam kë wickë muökkë liu tënë ke. Ku luörkë jööl bö bäaikun yiic.

¹⁴ Röökkë Nhialic rin bi yen koc jör we döc, ku duökkë röök tënë ye rin bi yen ke tem awuöc. ¹⁵ Miet puö kek koc kök mit puöth, ku dhiaaukë kek koc dhiau. ¹⁶ Calkë yer piändun athöñ tënë koc ëbën. Duökkë nhiam, dhuökkë röt piny ku luöikë tënë koc kor tënë we. Ku duökkë ye tak lon ë wek njic kanj.

¹⁷ Na loi raan det kërac tënë we, ke duökkë col kërec det. Loi kë ye raan ëbën tak ke path. ¹⁸ Luöikë käpuoth leukë ke bäk ke looi rin bi wek njic ceñ kek koc. ¹⁹ Duökkë këdän guur mäthkie, calkë aguur Nhialic. Rin aye Beny lueel athör wël theer yic ëlä, “Yen abi kërec cï koc kök looi guöör.” ²⁰ Duökkë kënë kanj looi, luöikë kë ye athör theer wël Nhialic lueel, “Na raan aterdu anak cok, ke gäm miëth, na nek rou, ke gäm kë dek, rin te looi yin kakkä ka ba col ayär guöp.” ²¹ Duökkë kërac col arum wepuöth, luöikë këpath bi wek kërec gel wei.

Raan adhil koc mac baai theek

13 ¹Week ebën wek aa dhil bány mec baai theek rin acin raan koc mac te kéc Nhialic ye gam bi koc mac. Ee Nhialic yen è koc yiék báány. ²Kéya, raan cie wet beny mec baai è gam, ee báány ci Nhialic gam dhöl yic, ku raan loi ké cīt kënë abī tem awuóc. ³Rin bány aacī koc kápath looi ye riöc, aa koc kárec looi kek aa riöc ke. Ye looi kēpath yen abī beny yi aleec. ⁴Rin yen aluui Nhialic kápath kony yen yi, ku na loi kárec, ke yi riöc ye rin riel tō kek ye acī muk è path. Rin beny è Nhialic luöi ku nyooth riäk puöu Nhialic, ku tem koc kárec looi awuóc. Ee koc awuóc looi col agum. ⁵Kéya, wek aa dhil bány theek ku acie rin è wet kënë rot, ku yeen aya añiecké wepuöth lön è ké dhielké looi. ⁶Kënë yen è wet dhil wek ajuer tääu piny aya, rin bány aa luui tēnē Nhialic te looi kek luoiden è cök bik koc mac. ⁷Tääu ajuer piny ajuer yen ba juaar tēnē ke, ku nyuöthkē atheekdun ebën tēnē bány.

Koc aa dhil röt nhiaar è kamken

⁸Duökké röt col aköony raan det, ké tō thīn è tók yen adhil looi, ku è ké bi wek röt nhiaar kamkun, ku raan nhiaar koc ebën è ké wic löñ yen aye looi. ⁹Löñkä, “Duk akor loi, duk raan näk, duk cuëer, duk kënë raandä wic yipuöu,” löñkä ku löñ kök aa met löñ töñ ye lueel elä, “Yin adhil koc ebën nhiaar cimēn nhieer yin rot.” ¹⁰Raan nhiaar raan det ka cin kereec ye raan kënë looi tēnē ye. Kéya raan nhiaar koc kök, ee ké wic löñ yen aye looi.

¹¹Wek aa dhil kënë looi rin añiecké lön aköl dhil wek nhiim tir aci ben. Rin aköl bi Nhialic yo kony aci thiök emēn ten tewäär tueñ gem yok wet. ¹²Acit lön nadé ke waköu athök ku aköl abö, päku kárec yeke looi muöth yic waköu, ku kéya lömké kāk bi yo col apir apath aköl bi Jethu dhuk. ¹³Yok aa dhil röt mac apath cimēn koc è rēer yer yic aköl cin ké yeké thiaan. Wek aacī röt met akut luui kárec yic, kárec cimēn wiet è mäau ku winy è diäär. Ku duökké ater ye looi ku tielké röt kamkun. ¹⁴Lömké Beny Jethu Kritho, bi thiäk ke we. Duökké wepuöth ye yiék kāk we col aloi adumuööm, bāk kënë yen wic piändun looi.

Duk koc kök ci gam luk wei

14 ¹Gamké raan koor gamde bi rēer ke we, ku duökké ye teer ke ke kāk yeké tak, kāk cī ril. ²Gam raan det, ee ye col acam kuat mieth è path, ku raan koor gamde acin kuat riñ ye cuet. ³Ku raan cin kēn ye yen ke kuc bi cam, acī raan kuc miith kök dhäl guöp. Ku raan kuc miith kök acī raan cin kēn è yen kuc bi cam ye yöök lön è yen kērac looi, rin ké ye raan cin kēn ye yen kuc looi aci Nhialic gam. ⁴Ye yin è ña, ba ké ci alony raan det looi, lueel ke yic, tedé ke cie yic? Ee wun alony yen alēu ye bi lueel lön le aluonyde cök ku lön cī yen la cök. Ku yen abī la cök rin abī Beny col ala cök.

⁵Aye koc kök tak lön ala aköl dit tenē aakööl kök, ku aye koc kök tak lön akööl aa thöñ ebën. ñek adhil ké ye yen ye tak kéya ñic apath. ⁶Raan kēn looi aye looi rin wic yen Beny bi theek. Ku raan cin kēnē è yen ke kuc bi cam, aye looi rin wic yen ye bi atheek nyuöth tēnē Beny, rin è Nhialic leec rin mieth. Ku raan kuc bi miith kök cī cam aye looi kéya rin atheek tēnē Beny, ku atheek gam Nhialic.

⁷Acin raan tók kamkua pir rienke è rot, ku na thou raan acie thou rienke è rot. ⁸Na piirku ke rin Beny, ku na thouku, ke rin Beny aya. Te piir yok ayi te thou yok, ke yok aa koc è Beny. ⁹Rin Raan ci loc ku doc aci thou ku jot rot bi pir rin bi yen a Beny koc pir ku koc ci thou. ¹⁰Ku kéya, yeñö ye wek miethakun luök wei, tedé ke dhälké gup, rin yok yodhie yok aabi köc Nhialic nom luk yic aköldä. ¹¹Cimēn ye athör theer wēl Beny ci göt ye lueel elä,

“Cimēn piir yen ayic, aluel alanden lön raan ebën abä door.

Ku abī raan ebën lueel lön ye yen Nhialic.”

¹²Kéya, ñek yoyic abī Nhialic ya tet kēden ci looi, ku ye rin nö yen looi yen ye.

Duk koc ci gam thöoc adumuööm yic

¹³Yok aacī röt dhil tēm awuóc kamkua, ku duk ké bi raan det col aloi awuóc loi. ¹⁴Ku rin ye yen raan buöth Beny Jethu añieac alanden lön acin mieth reec yetök è rot. Ku na gem raan lön mieth arac, ka rac tēnē ye. ¹⁵Na col wāmuuth arac puöu rin ciem yin mieth ye tak lön reec yen, ka ye ké loi nyuöth lön yeen acī nhiaar. Ku duk wāmuuth ci Raan ci loc ku doc thou rienke reec mieth ye cam. ¹⁶Duk te ye yin kākku path luöi thīn col aye koc kök tak lön reec yen. ¹⁷Rin báány Nhialic acie cam ku dēk, ee la cök ku döör ku miet

puöu ye Wëi Nhialic gam. ¹⁸ Ku kuat raan, Raan cī lōc ku dōc luöōi kēlä ē Nhialic cōl amit puöu, ku cōl raan ēbēn agam kēden ye looi.

¹⁹ Kēya, adhilku them buk kāk koc kēek nyaai ku loiku kāk koc kōk kony bik riel gamden yic. ²⁰ Na ye kēya, duk kē cī Nhialic looi rec rin miēth, miēth aa path ēbēn. Ku na ye raan det cōl aloi adumuööm rin kē ye cam, ka cīi path. ²¹ Kēpath akīn, duk riñ cuet ku duk möu dek, ku duk kuat kē bī wāmuuth cōl aloi adumuööm loi. ²² Kēya, kē ye tak ke path ē kākā, muk kamkun wek Nhialic. Na cīi raan ye lueel lōn kē cī looi awuōc, te looi yen kē ye tak ke ye yic, ke yeen amit puöu. ²³ Ku na ye raan puöu rou te cem yen kuat miēth kōk, ka ye Nhialic cōl aye kērac yen looi te cem yen ye, rin acie gam yen cōl ye aloi ē kēnē. Ku na yeku kēdāñ looi ēbēn ke cīn gam, ke yeen adumuööm.

15 ¹ Yok koc ril ē gamda yic, yok aadhil koc cīi ril kony bik la tuenē kek gamden apath, ku acie kēnē yo cōl amit puöth yen dhilku aa looi. ² Ŋek yoyiic adhil wāmāāthdan cī gam luōi kēpath, kē bī yeen cōl amit puöu. Yok aa dhil kēnē looi rin bī yok gamde cōl adhil riel. ³ Rin Raan cī lōc ku dōc akēc kē cī looi looi rin bī yen ke puöu miet, cīmēn ye athör theer wēl Nhialic ye lueel ēlä, “Wäär let yī, leet aaci ben aa kākkie.” ⁴ Kēriēc ēbēn cī göt athör theer wēl Nhialic yic ē yo piöōc, rin wēl theer Nhialic aa yo cōl añōth, ku aa yo deet puöth. ⁵ Bī Nhialic yen koc cōl agum, ku deet kepuöth we yiēk döör kamkun, cīmēn ye wek koc buöth Raan cī lōc ku dōc Jethu. ⁶ Rin week ēbēn bāk Nhialic wun Bānyda Jethu Krītho aa leec.

Wet Puöth Yam aci lek koc cie koc Itharel

⁷ Nhiarkē röt kamkun rin bī koc ēbēn Nhialic leec, luōikē kēnē cīmēn te cī Jethu we nhiaar thīn. ⁸ Rin alek we lōn cī Raan cī lōc ku dōc a raan luui koc Itharel, ku nyuth ke lōn kē cī Nhialic lueel ē yic, rin bī kāk cī thōn wärkuan dīt aa yith. ⁹ Ku det aya, bī koc cie koc Itharel cōl aa lec Nhialic rin lier piānde, cīmēn cī ye göt athör theer wēl Nhialic yic ēlä, aci Beny Debit lueel,

“Kēya, te rēer yen kam koc cie koc Itharel ke wek ba gām lec.
Ku waak aleec aba ket tēnē yīin.”

¹⁰ Ku ben athör theer wēl Nhialic lueel ēlä,

“Mietkē puöth wek koc cie koc Itharel kek koc cī Nhialic lōc.”

¹¹ Ku ben athör theer wēl Nhialic lueel aya,

“Wuöt ēbēn aa dhil Beny leec,
ku koc ēbēn aa dhil ye leec apei.”

¹² Ku ben Ithaya lueel athör theer wēl Nhialic yic ēlä,

“Ala raan many Jethe wun Debit bī ben.
Abī Nhialic looi bī ya Beny koc cie koc Itharel.
Ku ñāthden abī tō tēnē yeen.”

¹³ Bī Nhialic ñōth bæi ku cōl we athiāñ miet puöu dīt apei ku döör, cīmēn ye wek ye gam bī Wëi Nhialic we cōl aala ñōth dīt apei.

Luoi Paulo kam koc cie koc Itharel

¹⁴ Wāmāthkien cī gam, yen nom, añiec alanden lōn week nñiim wek aa path apei, wek aa ñic kē bāk dhiel looi ku aleukē bāk röt piöōc kamkun. ¹⁵ Wek aca gāt athöör puöu ēbēn ke cīn kē muōny rin kāk wiēc ba ke ben lek we, rin dhēñ cī Nhialic gām ya, ¹⁶ ba ya raan luui Jethu Krītho, ba luui rin koc cie koc Itharel. Yen ē luoi kāk raan Nhialic looi te lēk yen koc Wet Puöth Yam. Rin bī koc cie koc Itharel ciet kē cī Nhialic door, kē cī Nhialic gam apei. Ku bī Wëi Nhialic ke cōl aye kacke.

¹⁷ Yen anhiam luōidien ya luōi Nhialic, rin cī yen mat kek Raan cī lōc ku dōc Jethu. ¹⁸ Yen abī jam kāk cī Raan cī lōc ku dōc cōl aluōōi ē röt, kāk ya lueel ku kāk ya looi aaci koc cie koc Itharel cōl athek Nhialic, ¹⁹ rin kārīl ku kāk koc göi, cī Wëi looi dhēl ril. Kēya, yōn ca ke tēek ēbēn jāl Jeruthalem ku wun cōl Dalmatia, yen aci koc lek Wet Puöth Yam rin Raan cī lōc ku dōc. ²⁰ Kēn yen tō yapuöu ē tōk ē path, ee lōn ku ba koc lek Wet Puöth Yam te kēc rin Raan cī lōc ku dōc kañ piñ thīn, rin bī ye cīi luel lōn ye yen luoi cī koc kōk jōok yen luōi.

²¹ Cīmēn cī ye göt athör theer wēl Nhialic yic ēlä,

“Koc kēc kañ lek wetde abik tiñ.
Ku koc kēc ye piñ abik deet yic.”

Awic Paulo bi la kenya Roma

²² Ku rin e wet kenë, aca them ku yen aci pëen arak juëc ba la tënë we. ²³ Ku emën ci yen ke luoi thöl te rëer yen thin ten, ku tɛɣon wic yen ye run juëc ba we la tiŋ, ²⁴ aŋäath ba jäl looi emën. Ku emën le yen Ithpeen, wek aa bar ba we tiŋ. Ku awiëc bäk ya kony ba yet thin, te ci yen kaŋ rëer ke we tethin-nyoot. ²⁵ Emën thiin yen ala Jeruthalem ba kuɔony la gam tënë koc Nhialic reer thin. ²⁶ Ku akuut koc ci gam tö Mathedonia ku Girik aaci puöth miet, ku matkë bik wëu juaar tënë koc ŋöŋ kam koc Nhialic tö Jeruthalem. ²⁷ Kek aa mat yeyic e röt bik looi këya, ku e yic keek aa dhil koc ŋöŋkä kony. Koc Itharel aa kãpuöth yekë yök tënë Nhialic rin wëiken rom kek koc cie koc Itharel. Këya, koc cie koc Itharel ci gam aa dhil koc Itharel ci gam kony bik ke yiëk kãk yekë wic akölaköl rin pierden. ²⁸ Te ci yen kenë thöl, ba ke gam wëu ke ci kuööt yiic rienken, ke yen abi la Ithpeen, ku wek aaba kaŋ neem ba jäl la Ithpeen. ²⁹ Te yeet yen tënë we, aŋiëc yen abi döcdit Raan ci loc ku doc la rom ke we.

³⁰ Rin gamda tënë Beny Jethu raan ci koc ku doc, ku rin nhiër ci Wëi Nhialic gam yo, wek aa lanj matkë röt yen aterdie yic bäk rök kek yen apeï tënë Nhialic rienkie. ³¹ Yen aröök bi koc Judia këc wet Jethu Kritho gam yen ci baŋ, ku bi koc Nhialic tö Jeruthalem puöth miet bik kë ca looi bi yen ke kony gam. ³² Ku këya, na wic Nhialic, ke yen abi ben tënë we ke miet puöu, ku mitku puöth nem bi yo ben puöc. ³³ Yen aröök bi Nhialic yen ye yok döör yök thin, rëer kek we ebën. Yenakan.

Paulo e koc Roma muöth

16 ¹ Awiëc ba lek we, lon nyankäida Pobi luui akut koc ci gam Kankëria e raan path. ² Luorkë cimën raan Bänyda, ku cit te ye koc Nhialic röt luor thin kamken, ku yiëkkë kuat kuɔony bi thiëc tënë we. Yeen e path tënë koc juëc, ayi yen aya.

³ Yen e Prithkila ku Akuila, koc ci röt mät ya buk luui rin Jethu raan ci loc ku doc, muöth apeï, ⁴ koc këc dieer kë bi ke nöc rienkie. Yen amit puöu tënë ke apeï. Ku acie yen e rot, akuut koc cie koc Itharel ci gam aa mit puöth aya. ⁵ Yen akut koc ci gam, yenhom mat panden, muöth aya.

Yen e mäthdie Epanetuth, raan ci Raan ci loc ku doc kaŋ gam wun Athia, ⁶ ku Maria raan ci luui apeï rienkun, aaca muöth aya. ⁷ Andronikuth ku Junieth, koc Itharel cimëndie, wäär ci mac ke ya aaca muöth aya. Keek aa ŋic apeï rin ye kek atuuc aya, ku kek aake koŋ gam tënë ya. ⁸ Miäthdie tënë Ampliatuth, yeen e mäthdie apeï, ku yeen aci rot mät Beny. ⁹ Muöth tënë Urbano, raandan lui rin Raan ci loc ku doc. Ku muöth aya tënë mäthdie apeï, Ithakith. ¹⁰ Muöth tënë Apeleth, raan ci te keec yen thin kek Raan ci loc ku doc nyuöth käril yiic. Ku muöth tënë koc many Arithtobuluth. ¹¹ Muöth tënë Yërodiön raandan Itharel ku wämäthakua, koc ci gam many Narkithuth.

¹² Miäthdie tënë Tripina ku Tripotha, diäär ci luui rin Beny ku tënë mäthdie apeï Perthith raan ci luoidit looi rin Beny. ¹³ Yen e muöth tuöc Ruputh raan ŋic luide apeï rin Beny ku tënë man, raan yen kony akölaköl ciet ya ye manhde. ¹⁴ Miäthdie tënë Athinkrituth, Plegon, Yermath, Patrobath, Yermath ku wämäthakua ebën ci gam reer ke ke. ¹⁵ Muöth tënë Piloguth ku Julia ku tënë Nerioth kek nyankën, ku tënë Olimbath ku tënë koc ci gam rëer kek e tök. ¹⁶ Miäthkë röt kamkun puöu ebën. Akuut koc ci gam ebën aa we tuöc miäthden wek akut koc ci gam Roma.

Paulo e koc tö Roma lek kë dhilkë looi

¹⁷ Wek aa lek apeï wämäthkie bäk nhiim tir koc e koc tek yiic, ku reckë koc nhiim bik gamden ci muk apath, koc ci piöcöden e thöŋ kek te ci we piöc thin, duökkë röt ye thiäk ke. ¹⁸ Rin koc kãkkä looi aacie luui rin Raan ci loc ku doc Bänyda, aa lui rienken e röt. Aa wël mit apeï lueel, ku aa koc cin kërec yekë ke looi wëeŋ. ¹⁹ Aci raan ebën piŋ yen te muk wek wet yam cãk gam thin. Këya wek aa ya col amit puöu apeï. Awiëc bäk kãpath ku kërec kaŋ ŋic, ku bäk kãpath aa ŋic ku duökkë röt col aaye tö luoi kërac yic. ²⁰ Ku Nhialic yen ye yok döör yök thin abi riel jöŋrac rac, ku col adhuk wecök ciëen.

Yen aröök bi Bänyda Jethu raan ci loc ku doc la tueŋ ke nyuth we dheenje. ²¹ Timothï, raandien luui yok e tök, ee we tuöc miäthde, ku yen lan Lukiöth, Jathon ku Thothipater kockien Itharel. ²² Yen Tertiatth, yen raan ya gät wël ci Paulo lueel athör kenë yic, wek aa ya tuöc miäthdie ke ya ye raan ci gam aya.

²³ Gaiöth, raan rëer yen paande, ku yen ye akut koc ci gam rom thin, ee we tuöc miäthde. Eratuth, raan wëu mir (akuma) mec geu muk ku wämäthda Kuartuth, aa week tuöc miäthden.

[²⁴ Bi dhëeŋ Bänyda Jethu raan ci loc ku doc rëer kek week ebën. Yenakan.]

Paulo ẽ læc gam tẽnẽ Nhialic

²⁵ Lecku Nhialic bĩ we looi bĩ gamdun riel. Yen ẽ kẽ ya lueel tẽ læk yen kɔc Wɛt Yam rin Jethu raan cĩ læc ku dɔc, ku ẽ yen acĩ yic cĩ moony run juẽc apei nyuɔɔth. ²⁶ Ku ẽmẽn kæk cĩ kɔc kæk Nhialic tiŋ gõt aaci yiny kẽnẽ cɔl aŋic kɔc juẽc, acĩ Nhialic tɔ thĩn tɛyɔn ku abĩ rẽer thĩn atheer lueel bĩ wuɔt pinynhom ẽbẽn yic kẽnẽ dhiel ŋic. Kẽya, rin bĩ kɔc ẽbẽn Nhialic gam ku thekkẽ.

²⁷ Tẽnẽ Nhialic tɔk, Nhialic keriẽec ẽbẽn yic, yen ŋic kãŋ, aa leec. Kẽnẽ adhil rot looi akɔlriẽec ẽbẽn rin kẽ cĩ Jethu raan cĩ læc ku dɔc looi. Yenakan.